

卿讀唱其表，遂陳欲斬入鹿之謀。麻呂臣奉許焉。戊申，天皇御大極殿，古人大兄侍焉。中臣鎌子連知蘇我入鹿臣，爲人多疑，晝夜持劍，而致俳優，方便令解入鹿臣笑而解劍，入待于座。倉山田麻呂臣進而讀唱三韓表文，於是中大兄戒衛門府，一時俱鑣十二通門，勿使往來，召聚衛門府於一所，將給祿。時中大兄卽自執長槍，隱於殿側。中臣鎌子連等持弓矢，而爲助衛，使海犬養連勝麻呂授箱中兩劍於佐伯連子麻呂，與葛城稚犬養連綱田曰：努力々々，急應須斬。○中中大兄見子麻呂等畏入鹿威，便旋不進，曰：咄嗟，卽共子麻呂等出其不意，以劍傷割入鹿頭背，入鹿驚起，子麻呂連手揮劍傷其一脚。○下

〔日本書紀天武二十八〕元年七月辛亥，男依等到瀨田，時大友皇子及群臣等共營於橋西，而大成陣。○中其將智尊率精兵以先鋒距之，仍切斷橋中，須容三丈，置一長板，設有蹋板度者，乃引板將隨，是以不得進。襲於是有勇敢士曰大分君稚臣，則棄長矛以重擐甲，拔刀急踏板度之，便斷著板綱，以被矢入陣，衆悉亂而散走之，不可禁。將軍智尊拔刀斬退者而不能止，因以斬智尊於橋邊。

〔續日本紀光仁三十三〕寶龜六年四月壬申，授川部酒麻呂外從五位下，酒麻呂肥前松浦郡人也。勝寶四年爲入唐使第四柁師，歸日海中順風盛扇，忽於船尾失火，其災覆艦而飛，人皆惶遽，不知爲計。時酒麻呂廻柁火乃傍出，手雖燒爛，把柁不動，因遂撲滅，以存人物，以功授十階，補當郡員外主帳。至是授五位。

〔日本後紀嵯峨二十一〕弘仁二年五月丙辰，大納言正三位兼右近衛大將兵部卿坂上大宿禰田村麻呂薨，正四位上養之孫從三位苅田麻呂之子也。其先阿智使主，後漢靈帝之曾孫也。○中譽田天皇之代，率部落內附，家世尙武，調鷹相馬，子孫傳業，相次不絕。田村麻呂赤面黃鬚，勇力過人，有將帥之量。帝壯之，延曆廿三年，拜征夷大將軍，以功叙從三位，但往還之間，從者無限，人馬難給，累路多費。大同五年，轉大納言，兼右近衛大將，頻將邊兵，每出有功。

〔田邑麻呂傳記〕大將軍坂上麻呂，身長五尺八寸，胸厚一尺二寸，向以視之如偃背，以視之如俯，目寫蒼鷹之眸，鬚繫黃金之縷，重則二百一斤，輕則六十四斤，動靜合機，輕重任意，怒而廻眼，猛獸忽斃，睨而舒